



ოცნობი ავტორი

გაბყუელთა ვიჟართ, ვითარმედ:

„სულნი კასთანი პირველვე იყვნეს კორცთასა“*

1 ოცვისა ყოფად ჩემთს ვევედ-
 რები ყოველთა, რომელთაცა
 სახელისა მიმართ ღრისტჳსისა
 სახელის-დებითა მოუგვის წარ-
 ჩინებული საქადულობად და ნოდებულ არიან
 ნამდვლვე ახლისა სახელითა, ვითარცა იტყვს
 მის ძლითი წინადაწარმეტყუელებად და ვითარ-
 ცა სამოსლითა რაათამე ბრწყინვალითა გარე-
 შეცვულ არიან შეენიერებითა მისითა და არა
 რომლითა სახითა თავს-იდებენ შეცვალებით-
 სა თანა-წარსლვასა სულიერისა მოძღურე-
 ბისასა და არცა ქუეყანით მჭობებელ არიან,
 არცა მოსურნე **ნგარის** ვისმე **მეგვბტელისა**
 დამტევებელნი **სარრახსნი**, რომელთაგან პირ-
 ველი იგი გარეშესა სიბრძნესა, ხოლო მეორე
 საღმრთოსა და ნეტართა მამათა ჩუენთა თანა
 სახლეულსა საკუთარსა და ზეცით გარდამოს-
 რულსა მას დაჰსახვენ, რაათა ესრეთ რად ერთ
 ვიყვნეთ ჩუენ, ყოველნივე ასონი **ქელესიისანი**,
 ურთიერთას შევიწყუნეთ და შევიწანევერნეთ
 საუფლოვსაებრ ლოცვისა და სათნო-ყოფისა
 და თავად მოვიგოთ თავადი მწყემსთ-მთავარი
 ღრისტი.

2. **ქოლო** ვინაათგან შურითა ეშმაკისაათა
 სიკუდილი შემოვიდა სოფლად, უწინარეს გრძ-
 ნობადისა საცნაური, და თითოეული თავისა
 თვისსა თანა ეძიებს, არა **ქესუ** ღრისტეს თანა
 სარენავად შემრაცხველი კეთილად მსახურები-
 სად, და მგელნი მძიმენი, ცხად არს, ვითარმედ
 წინამძღუარნი წვალებათანი განჰრყუნიან
ქელესიასა და მბრძვანან ჩუენ გარეშისა სი-
 ბრძნისა, აზნაურებისა და სიმარტივისა ჩუენ
 შორის შემოღებითა და სახელის-დებითა მორ-
 ნმუნედ ნოდებისაათა, ტყავითა ცხოვარისა-
 თა შეუმოსიეს მგელნი, რომელნი ტაბლასა
 ღრისტესსა ეზიარებიან და ტაბლასა ეშმაკ-
 თასა, რომელთათვს ფრიადცა სამართალ არს
 ჩემდა, რაათა სულს-ვითქუმევდე მათ ზედა,
 ხოლო განვაკრძალებდე ეზოსა ჩუენისათა, ნუ

სადა იქმნეს ვინმე მათგანი განსაჭრელ მწეცთა.
 10 **ქინა**ცა მე სხუათა უკუე ჟამისად თა-
 ნა-წარვედები, ხოლო გამოძიებასა ვჰყოფ მათ
 თანა, რომელნი **სითალორრას** და **სლატონისთა**
 განცხადებულად წინა-განმანყობენ ჩუენ სჯუ-
 ლთა, და დარღუევად მოსწრაფე ვარ აღმღუ-
 რეულისა მის ნაღუარევისა, რომელი იღუნის
 15 წარრღუნასა წმიდისა მის სამოციქულოთა წყ-
 აროს თუალისასა მსგავსად მათსა, რომელნი
 ღვნოსა განჰმზადებენ წყლითა და სახელითა
 მეცნიერებისაათა სილალით აღდგებიან წმი-
 20 დათა **ქელესიათა** ზედა, რომელნი სოფლისა
 და ჯორცთასა პირველ-ყოფასა ზღაპრის-მე-
 ტყუელებენ სულთასა: «და ნაცვალად მცოდ-
 ველობისა მათისა საკრველად მიეცნესო მათ
 ჯორცნი, რაათა ვითარცა საპყრობილესა წყ-
 25 უდეუელთა კუალად შეიყუარონო აღსლვად
 მუნვე, სადაათ-იგი ცოდვისათვს დამოცვივეს».

3. **წნ** უკუე მთნდა მე, ამათისა მხილებისა
 მნებებელსა, რაათა ბუნებითა გულის-სიტყუ-
 ათა მიერნი უკუე გამოსაჩინებელნი მათთვს
 30 მოსწრაფეთა მათ დავუტევენე, ხოლო საღმრ-
 თოდ ჩერილი კეთილად მსახურებისა სჯულთა
 თანა-მოსაჯულად ვიჰუმო, და განჩინებითა
 შამათაათა განმტკიცებულ ვყო მხილება
 მათი და ესე ვყო ბრძნისა სჯულის-მდებე-
 35 ლისა, ხოლო უფროვსლა მის შორის ესრეთ
 მეტყუელისა რწმუნებითა, ვითარმედ: «ჰკითხე
 მამასა შენსა და გითხრას შენ მოხუცებულთა
 ყოველთა და გაუნყონ შენ».

ქოლო შეუდგს პირველ-მყოფობისა სულ-
 თადას განჩინებასა სიტყუაცა კუალად-გებისად,
 რომელი-იგიცა უცხოდ გამოვარინოთ წყარო-
 თა ცხორებისათა, რამეთუ: ერთისა და მისვე
 ბოროტად მსახურებისა ძირით აღმოსრული
 მორჩი არს უღლეულობად ესე **ელლინებრივ-**
 45 **თა** სჯულთა უსჯულოებისად, რომელთა შორის
 პირველ მოიწსენებოდედ პირველ-მყოფობისა
 სულთადას ზღაპრებრივი თხზულებად და იგი

* ლიტერატურული ძიებანი, ეძღვნება აკად. **წ. ლარამიძეს**, თბ., 1983. **ქვ.** 262-278. **ქექსტი** თარგმნილია წა არსენ იყალთოელის მიერ; დასაბუქდად მოამზადა ივანე ლოლაშვილმა.

წინა დაიდებოდნენ უპირატესად ლუანლად სიტყუასა ჩუენსა. ჰემნედ მოქმედებითა ჴრისტესითა, რომლითა კადნიერებით განჰრყუნიან იგინი საღმრთოთა სიტყუათა და თვთ უნებლიედ აღიარებენ ამათ პირთათჳს აღწერილთა მათთა შინა, ვითარმედ ყოვლად-ყოვლითურთ უცხონი არიან ვიდრე საეკლესიოჲს მოცემისაგან.

4. ღოლო დასაბამად იტყჳს: «დაბადებამ დავაფუძნოთ კაცისამ», რამეთუ: «შექმნა, – იტყჳს, – იმერთმან კაცი და შთაჰბერა მას სული ცხოველი» (შესქ.2,7), ხოლო შთაბერვაცა მას უგამოცდილესნი შამათანი და **წიღვმოს** სულისა ძლითსა სიტყუასა შინა საღმრთოდ იტყჳს «სულად დაბადებულად სულისა ჩუენისად». Ⴀნ უკუე უკუეთუ შემდგომად წინადანესებულისა მის შესაქმნისა ჳორცთაჲსა სულისა მიერ ძჳსისა არს ყო იმერთმან კაცობრივი სული, სადალა დაუშთების სული ამისსა თქუმასა, ვითარმედ: «პირველ სადამე მცოდველი და ვნებული ჳორცთა მომართ გარდამოავლინა იგი და, ვითარცა საკრველნი რამე, სატანჯუელად მოუღონნა ესენი»? ხოლო ვითარ აკურთხა იმერთმან და თქუა: «აღორძნით და გამრავლით» (შესქ.1,28)? რამეთუ არა-სახიერისა საქმე არს, რათა განმრავლებამ ენებოს ზეცით გარდამოვრდომილთაჲ და რამეთუ წყევისა და არა-კურთხევისასა არს ესე სახელსა. Ⴀნუ ვითარ ცხოვრებამ უწოდა იმერთმან დედაკაცსა, მოსრულსა სიკუდილად და დაფლულსა ჳორცითა მათისა? და ვითარ კუალად კურთხევისა კერძოდ განიჩინოს შვილ-მრავლობამ, რომელსა-იგი მიმთხუეულნი წმიდანი წყევისა და ყუედრებისა ღირსად ჰგონებენ საქმესა უშვილოებისასა?

ჴამეთუ **წვაშვა** რამ, არა უბადრუკებამ მისცა შობილსა მას, რამეთუ ჳორცთა მომართ ვითარ დამოვარდა, არამედ უფროჲსლა შობასა ზედა ქებისა მეტყუელ იქმნა შემოქმედისა, მეტყუელი: «მოვიგეთ კაცი იმრთისა მიერ» (შესქ.4,1).

ბა **სეთის** შობამ თქუა, რამეთუ: «აღმიდგინა მე იმერთმან თესლი სხუა ნაცვალად **წბელისა**, რომელი მოკლა **ჴაენ**» (შესქ.4,25). ღოლო დაცემასა ზედა სულთასა სხარული უეჭუელად უღირსი არს სჯულის-მდებელისა აღმწერელობისაჲ.

ღოლო ეგოდენ და ეგვიეთარად **წბრამ** იმრთისა მიმართ დრტჳნვით მწუხარე არს და იტყჳს: «შეუფეო, რამ მომეც მე, რამეთუ

მე ესერა წარვწყმდები უშვილოჲ» (შესქ.15,2), და ეგოდენტა მათ აღთქუმათა ღმრთისათა ურგებად განასაზღვრებს უშვილოებასა შინა, რამეთუ უკუეთუმცა დაცემა სულთა იყო სიმრავლე შვილთაჲ, არამცა უმეცარ იყო იგი, რომლისაგან არარაჲსა დაფარვა აღუთქუა იმერთმან.

ღოლო კუალად **სარრასთჳს** იტყჳს იმერთი: «ვაკურთხო უკუე იგიცა და მოგცე შენ მისგან შვილი» (შესქ.17,16), რომელისა შობასა ზედა მოხარული იტყოდა: «საცინელ მყო მე იმერთმან, რამეთუ: ვისმცა ესმეს, ჩემ თანა უხაროდეს» (შესქ.21,6).

ბა **სსმაილისთჳს** იტყოდა იმერთი: «ვაკურთხო იგი, განვამრავლო იგი ფრიად» (შესქ.17,20). ბა დაღათუ ბარბაროზსა ნათესავსა ეგულეობდა მისგან შობილ-აღდგომამ, არამედ ეგრეთცა შობამ კურთხეულადვე გამოაჩინა.

ბა **სსაკ ჴებეკაჲს** ბერწობისა დაწნასა ღოცვით ითხოვდა იმრთისაგან და შეისმინა მისი იმერთმან (შესქ.25,21-26).

ღოლო არასრულ ჰყოფს ვითარ სახედცა მთხოველთა თხოვასა იმერთი, რამეთუ: «ითხოვთო, – იტყჳს, – და ვერ მიიღებთ, რამეთუ ბოროტად ითხოვთ» (იაკ.4,3). ბა არამცა შეესმინა, უკუეთუმცა შვილიერებისა მიერ ზეცით გარდამოვრდომასა მლოცველ ყოფილიყო სულისასა.

სანყალობელად უკუე და **ჴაქილცა** ესაჯებოს **საკობს**: «მომცენ მე შვილნი, უკუეთუ არა, აღვესრულო» (შესქ.30,1), რომლისა მიმართ იტყჳს მამათმთავარი: «ნუ ნაცვალნი იმრთისაჲ ვარ მე, რომელმან ბერწ გყონ» (შესქ.30,2). ჴამეთუ ამისი უწმდა მას თქუმამ: «არა კეთილ არს შვილთა სხმამ, რათა არა გარდამოცვენ სულნი». სარნა იგი შვილიერ რამ იქმნა, იხარებდა და კუალად იტყოდა: «შემძინენ ძე იმერთმან სხუაცა» (შესქ.30,24). ჴომლისათჳს **სწნანცა** მოკუედების, რამეთუ ცუდად დაუტევა თესლი ქუეყანად (შესქ.38,9). ბა სჯულის-მდებელი აღუთქუამს **სსრავლსა**: «უკუეთუ დაივანნე მცნებანი Ⴀფლისანი, არა იყოს უშვილოჲ შენ შორის, არცა – ბერწ» (II შჳ.7,14).

ბა რად საწმარ არს თქუმად, თუ ვითარ მიწნა შეშუოდა იმერთსა და თუ ვითარ მიწრამ-ემთხვა თხოვათა (I მეფ.1,5-8)? მოცემული იგი ნაცვალად მისცა მომცემელსა სამადლობელად. სევითარივე არს სიტყუაცა იგი, ვითარმედ: «აჰა სამკვდრებელი Ⴀფლისაჲ – შვილ-

ნი»(ფს.126,3), და «ცოლი შენი ვითარცა ვენაჳი მსხმოჲ, და ძენი შენნი ვითარცა ახალნერგნი ზეთის-ხილისანი»(ფს.127,3) და «უბანნი ქალაქისანი აღივსნენ ყრმათა და ქალთა მომღერალთა მიერ»(ზაქ.8,5).

ღოლო **ღლისაბედ** იტყვს, რამეთუ: «ესრეთ მიყო მე **აფალმან** დღეთა ამათ, რომელთა მოხედნა მოსპოლვად ყუედრებაჲ ჩემი კაცთაგან»(ლუკ.1,25). ღომლისა ესმა გარემოჲს მკუდრთა, ვითარმედ: «განადიდა **აფალმან** ყოფად მის თანა და იხარებდეს მის თანა»(ლუკ.1,58). **წნ** უკუე გან-სადმე-დიდნების ვინმე ღმრთისა მიერ შემწყნარებელი შობისაჲ; ხოლო არამცა იყო ესე, უკუეთუმცა მიზეზ დასჯილები-სა შობილთაჲსა იქმნებოდა შობაჲ. «მის თანა იხარებდესო», – იტყვს. **წრა** რამეთუ წინაჲ-სწარმეტყუელი ეშვა, რამეთუ სადაჲთ უწოდეს ესე, არამედ რამეთუ ლიტონისა ყრმისა იქმნა დედა, რომელი სიხარულსა თანა დედისა მისისასა ჰკრთებოდა მუცელსა შინა მისსა.

ღოლო **წბიმელიქს** ზედა განრისხნა რაჲ **აფალი**, დაჴშა ყოველი საშოჲ სახლსა შინა მისსა(შესქ.20,18). **წა** კუალად უღმრთოთათჲს თქმულ არს, ვითარმედ: «ნაყოფი მათი ქუეყანისაგან წარსწყმიდო და თესლი მათი – ძეთა კაცთაგან»(ფს.20,11), რომლისა მსგავს არს იგიცა, ვითარმედ: «მიეც მათ, **აფალო**, რაჲ მისცე მათ; მიეც მათ საშოჲ უშვილოჲ და ძუძუნი ჴმელნი»(ოსე.9,14).

ღომელნი უკუეთუ სახისმეტყუელებით ოდენ გულის-ჴმა-ყვენეს, ცალიერ იყვნენ ყოველნივე თხრობანი **წერილისანი** და არავინ კაცი მითუალულ იქმნეს შობილთად კაცთაგან, რაჴამს შეუწყნარებელ იყოს უწყებაჲ შობათა მათთა თხრობისაჲ, ვინაჲთგან საღმრთოჲცა შოციქული სახისმეტყუელებდეს სიტყუასა **წერილისასა**; არა დაარლუევს მატთანესა თხრობისასა, არამედ მაგალითსა მოიღებს საქმეთა ჴემშარიტებით ქმნულთაგან, მწუენებელი მსგავსებასა ურთიერთასსა, ვითარ-იგი ცხად-ჴყოფდა მეტყუელი: «და ესე უკუე სახენი შეემთხუეოდეს მათ, ხოლო დაინწერა სჯულის სადიდებლად ჩუენდა»(I კორ.10,11); რომელსა კუალად იტყვს უცხადესად-რე, ვითარმედ: «ესე სახენი ჩუენთჲს მოიჴსენნეს, რაჲთა არა ვიყვნეთ ჩუენ გულის-მთქუმელ ბოროტისა, ვითარცა იგინი გულის-მთქუმელ იყვენეს»(I კორ.16,6).

5. **წმათ** თანა ესეცა განვიხილოთ, თუ ვითარ ეძვინებოდა **წმიდათა** სიკუდილი და დაჴსნაჲ და

ხრწნილებჲა ჴორცთაჲ.

ღამეთუ დასჯად უფროჲს ვიდრელა დასჯისა დაჴსნათ ჩანან იგინი შემრაცხველად სიკუდილისა და რამეთუ ღომელმან-იგი დასაბამსა დაბადა კაცი და მისცა მცნებაჲ ჰატიჴად გარდასლვისა, მეყსეულად განსაზღვრა სიკუდილი, ჴრქუა რაჲ: «რომელსა დღესა სჴამოთ მისგან, სიკუდილითა მოჴკუედეთ»(შესქ.2,17). **აკუეთუ** სატანჯუელად მოჴოვნებულნი საკრველნი არიან ჴორცნი, რაჲსათჲს ჰატიჴად დასდვა მცოდველთა სიკუდილი მათი? რამეთუ უფროჲსლა წინააღმდეგომსა ამისსა უღირდა ქმნაჲ და განგრძობაჲ საპყრობილესა შინა ცხორებისა მათისა დღეთაჲ! **ღოლო** ვითარმედ გრძობადსა სიკუდილსა იტყვს, ცხად-ჴყოფს სიტყუთა ამით, ვითარმედ: «მინა ხარ და მინად მიიქცე»(შესქ.3,19). **წა** საქმე შეუდგა ქადებითა თქუმათა სიკუდილითა **წდამისითა**, რომლისაგან გამოჴსნითა ჴრისტესმან აღდგომა მოგუანიჴა ჩუენ, რომელსა-იგი **ხორინთელთა** მიმართ მიმწერელი დიდი **სავლე** ჴმობს, რამეთუ: «ვინაჲთგან კაცისა მიერ იყო სიკუდილი, კაცისა მიერვე იქმნა აღდგომაჲ მკუდართაგან», რამეთუ: «ვითარცა **წდამის** მიერ ყოველნი მოგსწყდებით, ეგრეთვე ჴრისტეს მიერ ყოველნი ცხოველ ვიქმნებით»(I კორ.15,21-22).

ღოლო უკუეთუ საკრველნი და სატანჯუელნი არიან ჴორცნი, ვიიძულები თქუმად, ვითარმედ: «ავნო მოსლვამან ჴრისტესმან, კუალად აღმადგინებელმან ჴორცთა ჩუენთამან და კუალად დამსხმელმან მათ საკრველთამან, რომელთაგან სიკუდილსა დაეჴსნეს». **წალიერ** სამე ქებაჲ მოციქულთაჲ! **წალიერ** სარწმუნობაცა ჩუენი შაცხოვრისა ჩუენისა **წდგომისა** მიმართ, სიტყვსა ამისებრ სავენებელად ჩუენდა გამოჩინებული: «რომელმან აღადგინნესო მოკუდავნი ჴორცნი ჩუენნი, და დაუჴსნელ ყვენეს უხრწნელებისა მიერ», რამეთუ: «უჴმს მოკუდავსა ამას შემოსად უკუდავებაჲ» და რამეთუ: «არა ვეძიებო, – იტყვს, – განძარცვასა, არამედ შემოსასა»(მდრ.: I კორ.15,53-54).

წრამედ ჩუენ წინამდებარისავე მიმართ მივიქცეთ.

6. **წველის-მოქმედ** სადმე ექმნა **წაენ წბელს**, რამეთუ განჴსნა იგი საკრველთაგან(შესქ.4,8). **წითარ** უკუე იმერთმან ტკივნეულმან მართლისათჲს მრისხანედ ტანჯა კაცის მკლველი იგი? ანუ ვითარ კუალად ჴორცითა მისცვა-ლა **წნოქ** სასყიდელად მიმცემელმან მათთჲს,

რომელთა მიერ სათნო ეყო ჯორცთა დაუქს-
ნელობისაგან(შესქ.5,24)? ხოლო სტანჯვიდა
რაა უღმრთოთა, წყლითრღუნასა რადასათვს
ჩოვე განარინა(შესქ. 6.7-8)? რამეთუ უჭმდა
მისი ვიდრემე განჯსნაჲ ჯორცთაგან სიკუდი-
ლისა მიერ, ხოლო მათი სიცოცხლისა მინიჭე-
ბაჲ უკუეთუ სატანჯუელად წყუდეულ იყვნეს
საპყრობილესა შინა.

სრამედ **სტრაამსცა** აღუთქუა მეტყუელმან
იმერთმან: «ხოლო შენ წარხვიდე მამათა ყოვ-
ელთა მიმართ განზრდილი სიბერიითა კეთილ-
ითა»(შესქ.15,15). ლარნა ცუდად სადმე მისცა
დაყოვნებაჲ ჯორცთა შინა, რამეთუ ადრე ჯერ
იყო მიმადლებჲ მათგან განჯსნისაჲ, უკუეთუ
განსაპატიყებლად შეკრულ იყო ჯორცთადა.
ხოლო სიკუდილისაგან შეშინებული **სტრაჰამ**
დად უწოდდა ცოლსა და ტრფიალთა მიმართ
განსცემდა(შესქ.12,11-20). იჭმდა უკუე შეურა-
ცხისყოფაჲ **მეგვტელთა** და ქველის-მოქმე-
დად შერაცხვაჲ მკლველთაჲ, რომელნი დას-
ჯილებისა მისისა საპყრობილით განათავისუ-
ფლებდეს მას.

სნუ რაჲ დიდ იქმნა მსხუერებლად მიგუ-
რაჲ იმრთისაჲ **საკისი**(შესქ.22,1-13), უკუეთუ
ბოროტ არს სიცოცხლე ჯორცთა შინა და დაჯს-
ნა მისი არს სიკუდილი? გარნა რადასათვს შემ-
დგომად ფრიადისა სიბერისა აღსრულებულსა
სარრას ჰგოდებდა და ეტყებდა(შესქ.23,2), რა-
მეთუ მოძულისაჲ იყო საქმე ესე? რადათამცა ენ-
ება მისი მერმეცა პყრობილობაჲ ჯორცთა შინა?

თა **საკე** ეტყებდა დედასა თვსსა, ვიდრე
მოყვანებადმდე **ქებეკასსა**, რომელმან უგულ-
ებელს ყოცა სიკუდილი შეშინებულმან **ფილის-
ტიმელთაგან**(შესქ.26,7). სრამედ ესევე ჰხედ-
ვიდა რაჲ ძმისა მიმართ მკლველებრივობასა
სავისსა, **ჰუამდინარედ** წარავლინა **საკობ**,
რათა არა სიტყვსაებრ თქუენთა ქველყოფი-
ლი განიჯსნას ჯორცთაგან(შესქ.27,41-44). ხოლო
დიდსა რასმე ბოროტსა იტყოდა იგი ამას: «ნუ
სადა უშვილო ვიქმნაო თქუენ ორთაგანვე ერთ-
სა შინა დღესა»(შესქ.27,45). სრამედ **ჰუამდი-
ნარით** აღმოსრულიცა **საკობ** ჯმობდა იფლისა
მიმართ: «განმარინე მე ჯელისაგან **სავისა**, ძმი-
სა ჩემისა, რამეთუ მეშინის მე მისსა, ნუ სადა
მოვიდეს და მომკლას მე და დედაჲ შვილთა
თანა»(შესქ.32,11). თა არცა რაჲ სიკუდილ-სა-
გონებელსა მას ზედა შემთხუევასა **სოსებისსა**
პოვა ნუგეშინის-ცემად და შუშითა სიკუდილისა
მისისადათაცა მარადის თავისა თვსისაგან განუ-

შორებლად იპყრა **სენიამინ**(შესქ.43,29-34). თა
ფარაოს მიმართ მცირე წელიწდეულობასა თვს-
სა მჭუარ არს და იტყვს დღეთა თვსთათვს:
«მცირე იყვნეს და ვერ მიენიფნესო დღეთა მა-
მათა ჩემთასა»(მდრ.: შესქ.47,9).

თა **შოსეცა**, მილტოლვარე სიკუდილისაგან
ჰადიამისა უდაბნოსა, შეიტკობბს და ჰმონებს
ჟამთა მრავალთა და ეშინის **საეგვტეოლსა** მგ-
ზავრობისაგან(გამს.2,15-25) და ეს მაშინ, ოდეს
იმერთი წარავლინებდა მას და ნუგეშინის-სცე-
მდა და ეტყოდა, ვითარმედ: «მოსწყედეს ყოვ-
ელნი სულისა შენისანი» და შემდგომითი შემ-
დგომად.

7. ყოველთა მართალთა შორის არცა ერთ-
სა ვის ჰპოვებ, რომელსამცა არა მოეპოვა ვი-
თარიცა ღონე სიკუდილისაგან განრომისაჲ,
რომელთა შორის დიდმანცა **ნავით** ეგოდენნი
ღუანლნი დაითმინნა **საულისაგან** განრომი-
სათვს(I მეფ. 6.19-24); რომლისა ან ნამეტნავ
არს თითოეულად წარმოთქუმად, თუ ვითარ
სბენირ ეტყებდა(II მეფ.3,30-34), და **სმონს**
ჰგოდებდა(II მეფ.13,28-31), და **სონათანს** ზედა
სალმობიერად ტკივნეულ იყო და **საულს**(II
მეფ.1,5-12), და **სბესალომს**, მოკუდავსა ზედა
ძესა თვსსა, მჭურვალედ ტიროდა(II მეფ.18,22-
23). ხოლო თვთ მას რაჲ ეგულებოდა სიკუდი-
ლი, სანყალობელი აღუტევა ჯმად მეტყუელმან
ესრეთ: «აჰა, ესერა მე წარვალ გზასა ყოვლისა
ქუეყანისასა»(III მეფ.2,2). ლარნა უკუეთუ სა-
პყრობილით გამოსლვაჲ არს სიკუდილი, რა-
სათვს იწინვის და ეშინის მისგან და იმრთისა
მიმართ ღალადებს: «ნუ განმიყვანებ განზოგე-
ბასა შინა დღეთა ჩემთასა»(მდრ.: ფს.101,25)?
და კუალად კეთილად მსახურებისათვს იტყვს
იმერთი მის მიერ: «დღეგრძელობითა განვაძ-
ლო იგი»(ფს.90,16), ხოლო წინააღმდეგომთათვს,
ვითარმედ: «კაცთა მოსისხლეთა და მზაკვარ-
თა ნუ განაზოგენ დღენი მათნი»(ფს.54,24).

სრიან ესევეითართა სიტყუათა მიერ **ფსალ-
მუნნი** და **ჩიგნნი**, რომელთა ენებოს განხილვაჲ
მათი, რომელთა შინა ვის არა აღმოუკითხავნ
საიაჲს ცრემლნი, ვითარმედ: «ვისმინი ჯმისა
შენისაჲ და ვიხილენ ცრემლნი შენნი და, აჰა,
შევსძინო დღეთა შენთა ათხუთმეტი წელი-
წადი»(ეს.38,5), რომლისათვსცა სამადლობე-
ლი გალობა აღავლინა მან იმრთისა და არცა
იმერთმან ასწავა მას, ვითარმედ: «კეთილ არს
გამოსლვაჲ საპყრობილისაგან ჯორცთაჲსა»,
არცა დიდმან წინადაწარმეტყუელმან ეგევი-

თარნი იჭუმინა მის მიმართ სიტყუანი.

სპოვებ უკუე და **ლიასცა** საკრველსა მო-
შურნეთა ვიდრემე უღმრთოთა მიმართ, ხოლო
მოშიშად სიკუდილისა მიმართ, რომლისა არცა
გამოცდილება მიილო გარდამეტებულებითა
იმრთის-მსახურებისადა და ვითარ ეგოდენი
და ეგვეითარი თავს იდებდა ეგოდენ საგრ-
ძელოსა მას ჴორცთა შინა და სასჯელსა პყ-
რობილებისასა, არამედ ქველის-მოქმედთა
მათთა დედათა თვთ მანცა და მოწაფემანცა
მისმან აღდგინებად ყრმათა მიაგეს ნაცვა-
ლად(III მეფ.17,17-23). **ნა** ვითარ არა ავნეს
მათ, კუალად საპყრობილედვე მიუწოდეს რა
მკუდართა.

ნა რად საწმარ არს თქუმად, თუ რაოდენნი
სერემია და რაოდენნი **ნანიელ** და მისთანათა
მათ ყრმათა არა აღსრულებისათვს აღუტევენს
წმანი! **ნა** ყოველი წმიდაა აქასა ამას ცხორე-
ბისასა უფროს პატივის-სცემს სიკუდილისასა.
სარნა თუ სადმე უღმრთოებისა მიმართ მიდ-
რეკად ვინმე იიძულებოდის, რამეთუ მხოლოდ
იმრთისა ოდენ უპატიოსნეს ჰყოფენ სიცოცხ-
ლისასა, ვინაფთვან საღმრთო **სავლესა** დას-
წერს მოწაფისათვს, ვითარმედ: «დასწეულდა
მახლობელად სიკუდილისა, არამედ იმერთმან
შეინყალა იგი და არა იგი ხოლო, არამედ მეცა,
რადთა მწუხარებად მწუხარებასა ზედა დამერ-
თოსა»(ფლპ.2,27). **ჰემდგომად** **ჩრისტჳს** აღდ-
გომისა და საუკუნოვსა ცხორებისა ჭეშმარი-
ტისა სასოებისა, არამედ ეგრეთვე მწუხარებად
სახელს-დებს საქმესა ამას. **ნა**ლათუ არარა
მწუხარებად არს განთავისუფლება კრებუ-
ლისაგან, რამეთუ ვითარ არა სინარულისა და
დღესასწაულობისა ღირს არს ესე თქუენებრ
და კაცის მკლველთა და მბრძოლთა ქველის-
მოქმედად ჯერ-არს შერაცხვად, რომელნი
ესოდენ მძვნვარისა ჭირისაგან მიწსნიან ჩუენ
დაწსნისა მიერ ჴორცთადასა, და არა მილტოლ-
ვად იმრთისა მიმართ და მათგან გამოწსნისა
ცრემლით გამოთხოვად, რომლისა არა ხოლო
ჩუენ, არამედ ყოველნი წმიდანი იპოვებიან
მოქმედად.

ნა ესენი უკუე სისწრაფისა ძლით მრავ-
ალთაგან მცირედნი საღმრთოსა **ჩერილისა**გან
შემოვკრიბენით. **ხოლო** რადთა არა თქუმულნი
ესე ცუდად და ამათა თარგმანებათა მიმართ
გარდააქცინენ, მარადის წსენებულთაცა **ხა-**
თოლიკე **სკლესიისა** შამათაგან ამის ძლითნი
რწმუნებანი შემოვკრიბენ და მრავალნი უკუე

დაფუტევენ, რადთა არა უზომოდ სივრცედ გან-
ვჭფინო სიტყუად და მცირედნი ოდენ გამო-
ვირჩიენ მათგანნი უმეტესისა სიმტკიცისათვს.

8. **ხოლო** ვინყო მონაცვალისა წმიდათა მო-
ციქულთადასა **სრინეოს სოგდონელისა** ეპის-
კოპოსისა წინადამდებელმან ამათვს, რამეთუ
ესრეთ იტყვს იგი მესამესა სიტყუასა შინა
წვალებათა მიმართსა მესამოცედ თავად:

«ხოლო **სლატონ** ძუელი, რომელმან პირ-
ველად აღწერასა მისცა მადიდებლობად, ესე
ულონოდ რად იქმნა სიტყვს-გებად, მოიპო-
ვა სასუმელი დავინყებისა, რომლისა მიერ
ულონოებისაგან განვლტოლვასა თვსსა აზმ-
ნობდა. **ხოლო** გამოჩინებისა ვერცა ერთისა
მყოფელმან სჯულის-დებით განაჩინა, ვითა-
რმედ: «შემოიყვანებიან სულნი ცხორებასა ამ-
ას ქუეშე კერძო ქუეყანისა მყოფისა ეშმაკისა
მიერ და პირველ ჴორცთა შორის შესლვისა
ასუმენ მათ დავინყებასა», და დაჰვინყდა სხ-
უასა უფროსსა ულონობასა შინა შთაგდება
თავისა, რამეთუ: «უკუეთუ სასუმელი დავინ-
ყებისა კმა იყო შემდგომად სუმისა აღწოცად
წსენებასა პირველ გარდასრულთა ყოველთასა,
თვთ ესე ვინა უწყი, ჰოდა **სლატონ**, ან ჴორც-
თა შინა მყოფისა სულისა, ვითარმედ პირველ
ღორცთა მომართ მოსლვადმდე ეშმაკთა მიერ
ენდია სასუმელი დავინყებისა? რამეთუ უკუე-
თუ ეშმაკი, და სასუმელი და შესლვად გაწსოვან,
სხუათაცა გიწმს შენ წსოვნებად, ხოლო უკუეთუ
მათ უმეცარ ხარ, არცა ეშმაკი ჭეშმარიტ არს,
არცა სხუად სიტყუად-წელოვნებად დავინყებისა
სასუმელისა».

მისივე მისვე სიტყვსაგან ორმეოცდა მეთ-
ცხრამეტისა თავისა:

«ხოლო პირველ-მყოფობასა წარრევასა და-
ვარლუევთ რადთურთით არცა ერთსა რას პირ-
ველთაგანსა წსოვნებისაგან სულთადასა, რამე-
თუ: უკუეთუ ამისთვს გარდამოივლინებოდეს,
რადთა ყოვლისა მიმართ მიიწინენ საქმისა, უწ-
მდა მათ წსოვნებად პირველთა ნაქმართა მათ-
თა, რადთა ნეშტნი დაკლებულნი აღავსნენ, და
არა მართვე პირველთა საქმეთათვს დამაშურ-
ალნი მარადის სამარადისოდ უბადრუკებდენ;
რამეთუ ვერ ძალ-ედვა ჴორცთა მიმართისა თა-
ნა-შეთხზვასა ყოვლად-ყოვლითურთ დაშრე-
ტად, მათ შორის ყოველსა წსენებასა და შეს-
ახნედავსა პირველ გარდასრულთა ნაქმართა და
ხილულთასა და უფროსდა ვინაფთვან მათვე
საქმეთა მომართ მოიწეოდეს კუალად; რამეთუ

ვითარ-იგი მიძინებულ და დაწყნარებულ რა იყვნენ ჯორცნი, რაოდენთა რათ ჰხედავს და იოცნებს სული, ამათგანთა უმრავლესთა ჴსენებისა მიერ საზოგადო ჰყოფს ჴორცთა მიმართ, და იყვის ოდესმე რაჲ ჟამს, შემდგომად ჟამისა მრავლისა, რომელი-იგი სიზმრივ იხილვებთან, ცხადად მიუთხრობდის მათ. Ⴎსრეთცა აჴსოვდეს იგინიცა, რომელნი უწინარეს ჴორცთა მომართ მოსლვისა ექმნენ; რამეთუ უკუეთუ ნამსა ერთისა ჟამისასა ძილსა შინა ხილული მის მიერ ანუ ოცნებული სიზმარი შემდგომად ჴორცთა მიმართ განზავებისა და ყოველთა ასოთა შინა განთესვისა მისისა აჴსოვს, ფრიად უმეტეს აჴსოვდესმცა იგინი, რომელთა შინა ეგოდენთა მათ ჟამთა და ყოველთა დღეთა არასრულისა საუკუნოვსათა ემოქალაქა».

ჴოლო რაჲთა არა ფრიად განვაგრძოთ ესე, თანა-ერთვითა ამათთა ჰპოვებ სამეოცდა მეერთესა შინა თავსა, და სამეოცდა მეორესა, და სამეოცდა მესამესა, და სამეოცდა მეოთხესა და სამეოცდა მეხუთესა.

9. **უესტინე ჴილოსოფოსისა და მონამისა** აღდგომისა ძლითისა სიტყვსაგან: «რაჲ უკუე ვინ თქუას სული უჴორცოდ თავით თჴსით ცოდვილთა არასადამე არა, არამედ ჴორცთა შინა და მათ თანა» და შემდგომითი შემდგომად.

10. **ხლიმენტოს Ⴎლექსანდრიელისა** მერვისა სტრომატოსგან:

«შემქმნნა ჩუენ იმერთმან არა-ყოფილნი პირველ, რამეთუ: უკუეთუმცა პირველ ყოფილ ვიყვნით, გჴმდა ჩუენ მეცნიერებაჲ, თუ სადა ვიყვნით ანუ ვითა და რაჲსათჴს მოვედით აქა».

შისვე მესამისა სტრომატოსგან:

«რამეთუ ყოველთა მოიყვანებენ სულთა, საღმრთოდ წოდებითა პატივცემულთა, ვითარცა საპყრობილესა რასმე სოფელსა ამას შინა. ჴოლო განწმენდილ-ყოფად თანა-აც გან-ჴორციელებულთა სულთა სიტყვსაებრ მათისა. Ⴎ არს სჴული ესე არა **შარკიონისგანთაჲ**».

მისივე მისვე სტრომატოსგან, სადა-იგი იტყვს **შეგვპტელთა** მიმართ სახარებად სახელდებულისა მისთჴსცა:

«ხოლო აღიარებს მჴნე ესე ყოვლად **პლატონიანად** საღმრთოყოფასა სულისასა და, ვითარ ზემოთგანვე გულის-თქუმითა მდედრქმნილი, შეეთჴსა ქმნასა და ხრწნილებასა. Ⴎინაჲცა ამის ესევითარისათჴს იძულების სიტყუად **სავ-**

ლუ, ვითარმედ: «მეშინისო, ნუ სადა ვითარცა გუელმან აცთუნა **Ⴎა**, განხრწნენს გონებანი თქუენნი სიმარტივისაგან Ⴎრისტეს მიმართისა»(II კორ.11,3). Ⴎრამედ Ⴎფალი არაჲ ხენაჲთა აქა ქმნად მოავლენს ცთომილსა სულსა, რამეთუ დაბადებად არს-ქმნად და დაბადებად ყოვლისა მპყრობლისაჲ არს, რომელმან არამცა სადა უაღრესისაგან უდარესისა მომართ შობათა მოიყვანა სული, არამედ ჩუენ ცთომილთა მომართ მოვიდა Ⴎაცხოვარი და ურჩებოთა ცნებათაჲთა კეთილყოფისაგან ჴუებულნი მოგონებანი ჩუენნი განჰმართნა».

ჴოლო მეექუესესა სტრომატოსა შინა იტყვს ესრეთ, ვითარმედ:

15 **«მეგვპტელნი** სხუათაცა რაჲთათჴსმე და სულისა ჴორციითი ჴორცად ცვალებისათჴს მესიზმრებენ. Ⴎაჲთა უკუე, – მითხარლა მე, – განეყოფვის მრავალთა ჴორცთა ცვალებად და ერთისა მიმართ ყოვლითურთი მისლვაჲ? რამეთუ არარაჲთ უდარეს არს ჴორცთა საკრველად აღსაარებაჲ სულისა ხეცით ცოდვისათჴს გარდამოსრულობისა ქადაგებასა».

11. **ბიონისიოს Ⴎლექსანდრიელისა** სული-სათჴს თარგმანებისაგან «Ⴎკლესიასტისა»:

25 «ამისთჴს უკუე შემდგომობისაებრ წესისა შეუდგების ესე: «და მიიქცესო ქუეყანად მინაჲ, რომლისაგან მიღებულ იქმნა»(ეკლ.12,7); და ესე უკუე თქუმულ არს კაცობრივთა ჴორცთათჴს, ხოლო სულისათჴს მყის დაბადებასა თანა ჴორცთასა ალაგო Ⴎამბადებელმან, და ესრეთ იტყვს: «და სული მიიქცეს იმრთისა მიმართ, Ⴎომელმან მოსცა მას»(ეკლ.12,7).

Ⴎა შემდგომად სხუათა სიტყუათა იტყვს, ვითარმედ: «სულნი საკუთარ არიან ღმრთისა, რამეთუ შისითა ბრძანებითა და დამბადებელობითა ჰგიან, ხოლო არა პირველ დაბადებულ არიან ჴორცთასა, რომლისათჴს ყოვლით კერძო თანა-გუაც ჩუენ მადლობაჲ მისი».

12. **სეტრე** ეპისკოპოსისა **ალექსანდრიელთაჲსა** და მონამისაჲ «არა პირველ-მყოფობისათჴს სულისაჲ»:

«თქუა იმერთმან: «ვექმნეთ კაცი ხატისაებრ ჩუენისა და მსგავსებისაებრ»(შესქ.1,26). Ⴎინაჲცა ამისგან ცხად არს, ვითარმედ არა შემოკრებისაგან ვითარმცა პირველ ყოფილიყო რომელიმე და სხჴსა ადგილისაგან შემოკრებით ქმნილ იყო კაცი, არამედ ერთბამად დაბადებოთა თანად სულისა და ჴორცთაჲთა, რამეთუ უკუეთუ შემოკრებით იქმნა, რაჲსათჴსლა დაი-

წერა ქმნად».

შისივე მისვე სიტყვსაგან:

«ხოლო უკუეთუ ვითარცა იგინი იტყვან, სანუთოსა ამას შინა მიიღებენ სახიერებისა იმრთისა მოქცევისაებრ შეწყალებულნი, არცა ეგრეთ აქუს შემდგომობად სიტყუასა, ვინათგან: უფროსლა რაჟამს უკნინესნი და ნახევარ სრულნი იყვნეს ცოდვანი სულთანი, ვითარ ჯერეთ გულის-თქუმით ოდენ ქმნილნი, არა შეენდო სინანული და მოქცევა მამინ სადმე ცათა შინა მოწყალეობითა და სახიერებითა იმრთისათა, არამედ გარდამოცვივებს ქუე? რამეთუ უკუეთუ ზე არა შეწყალებულ იქმნეს, რადასათს აქა მიემთხვენეს სახიერებასა, რაჟამს გარდამოცვივებს პერობილ-ყოფად ჯორცთა შინა და შესძინეს საზომსა და რაოდენობასა და სიმძიმესა ცოდვათასა?»

შისივე ეგრეთვე მისვე სიტყვსაგან:

«ვინაცა არა მისათუალველ არს უწინარეს ჯორცთასა ცათა შინა ცთომილება სულთად, არცა რაფურთით პირველ ჯორცთასა ყოფად. წრამედ სწავლად ესე ელლინებრისა ფილოსოფოსობისა არს, რომელი უცხო და კიდევანი არს მათგან, რომელთა ჴრისტეს მიერ კეთილად მსახურებით ჰნებაეს ცხორება და რომლისათს გუესმის: ნუ ფრიად შეექცევი უცხოთა, ნუცა ზედას-ზედა თან-აჴდილ ჰყოფ არა თვსთა, რომლისაცა შორის ჩუენგან წარმდევნელნი დავემტკიცებთ სიტყუად, ვითარმედ: არცა იმრთიგ-სულიერნი წიგნი ასწავებენ ესევითარსა რასმე, არცა წმიდად ღათოლიკე უკლესიად ესრეთ ქადაგებს, არამედ ვითარმედ: ცოდვენ კაცნი, დამკვდრებულნი ქუეყანასა ზედა»...

თა რაათა არა ყოველსავე წარმოვიტყოდი ყოვლისავე მის სიტყვსა მიერ, არუენებს არა-სადა პირველ-მყოფობასა სულთასა ჯორცთაგან.

13. წმიდისა შეთოდი ეპისკოპოსისა და მონამისა წლდგომისა ძლითისა სიტყვსაგან სულსათს:

«უკუეთუ საჭირო არს განსაზღვრებად ჯორცთა უკუე საკრველად საგონებელ-ყოფად ხოლო სულისა, რაათა თანა-შემწედ უსამართლოებისა და თანა-მოქმედად იწუმიოს საკრველი, რომელი-ესე შეუძლებელ არს, რამეთუ: უკუეთუ ცოდვილისათს სატანჯუელად მიეცა, რაათა შემუსრვილ იქმნეს და პატივისცემად იმრთისა განისწავლოს სული, ვითარ თანა-მოქმედ და თანა-მოლუანე მისსა უსამართლოებისათს არს სული? რამეთუ საკრველნი და

საპერობილენი, და ჯელბორკილები და სხუანი ეგევითარნი განმართებისათს მოპოვნებულნი ღონენი არა თანა-შემწედ უსამართლოებისა და მცოდველობისა ტანჯულთადა იქმნებიან, ვინათგან არა თუ ვითარ უმეტეს იუსამართლოოს უსამართლომან თანა-მოქმედად უსამართლოებისა მიცემისა საკრველი, არამედ რაათა დააცადოს უსამართლობად გუემულმან საკრველთამან».

თა შემდგომად სხუათა სიტყუათა კუალად იტყვს:

«ხოლო ვითარ შემდგომად საკრველთა შემზადებისა იტყვს: აჴა, წინაშე პირსა შენსა დავდევ ცხორება და სიკუდილი!»

თა კუალად:

«უკუეთუ გინდეს, ისმინოთ ჩემი, რამეთუ: ესე და ესევითარნი ყოველნი ვითარცა თვთ ჯელმნიფისა და არა ვითარცა საკრველთა ქუეშე მყოფისა და ჭირისა მიერ ყვანებულისა მიერ იქმნებიან».

თა კუალად შემდგომად სიტყუათა:

«ეგერა უკუე პირველ თქუმულ არს, ვითარმედ: არა ჯორცნი არიან სამოსელნი ტყავისანი, რამეთუ არა კუალაცა ვიტყვ ერთგზის თქუმულსა, არამედ მხოლოდ ამას ოდენ დავჴრთავ, ვითარმედ: უწინარეს ტყავისა სამოსელთა შემზადებისა თვთ იგი პირველ-ქმნიული კაცი აღიარებს ძუალთა და ჯორცთა ქონებასა, რაჟამს-იგი დედაკაცი მისდა მიმართ მოყვანებული იხილა, რამეთუ თქუა: «ესე ან ძუალი ძუალთა ჩემთაგანი და ჯორცი ჯორცთა ჩემთაგანი»(შესქ.2,23). ჴამეთუ არა მივითუალავ მოზრახვასა ვიეთსამე და უსირცხვილოდ მაიძულებლობასა წერილისასა. ჴათა უარყო აღდგომად მკუდართად ჯორცთა, ამისთს საცნაურთა ძუალთა და ჯორცთა იოცნებენ და სხვთი-სხუად, ზემო და ქუემო მიმოსცვლიან სახისმეტყუელებასა. თა ამისისა ესრეთ აღსაარებისა, ვითარცა წერილ არს ჴრისტესგან განმამტკიცებლობასა შინა, ვითარ-იგი მიუგო მან, ჰკითხვდეს რაა ფარისეველნი განტევებისათს ცოლისა, და ჰრქუა: «არა აღმოგკითხავსა, რამეთუ დასაბამსა რომელმან აღაგო, წული და ქალი შექმნა?»(მთ.19,4) და შემდგომი. ჴამეთუ ვითარ მოიღებვიდის მხოლოდ სულისათს ოდენ, ვითარმედ: «ალორძნდით და განმრავლდით და აღავსეთ ქუეყანა»(შესქ.1,28)».

თა რაათა არა სრულიად მოვილოთ ყოვე-

ლივე ძლითი სიტყუად მისი, რომელი სავსე არს ესე ვითართა მიერ ვიდრე აქამდე, ხოლო კმა ვცოთ თქუმად მის მიერთა სიტყუათა.

14. **შპოლიტე** ეპისკოპოსისა და მონამისა თარგმანებისაგან დაბადებისა:

«არამედ ერთისა კაცისათვს არს ყოველივე მოთხრობაჲ, რამეთუ სიტყუად ესე, ვითარმედ «ვექმნეთ კაცი»(შესქ.1,26), ყოფადისათვს არს, ხოლო რაჟამს შექმნა, იტყვს: «და შექმნა იმერთმან კაცი მიწისა მიმღებელმან ქუეყანისაგან»(შესქ.1,27). ჴინაჲცა ერთისა და მისვე კაცისათვს იყო თხრობაჲ, რამეთუ მუნ იტყოდა, ვითარმედ «ვექმნეთ», ხოლო აქა, ვითარმედ: «შექმნა». ოჲ ერთბამად ვიდრემე და მყის თანად შეიქმნა ყოვლითურთ კაცი და არა პირველ დაებადა სული ჴორცთასა».

15. **ვისტათი** ეპისკოპოსისა **სნტიოქელისა** სულისათვს აღწერილისა სიტყვსაგან:

«არამედ ვინაჲთგან ამიერ შეინრებულად დაშთომილად ჰხედვენ თავთა თვსთა, სხვსა სივერაგისა მიმართ მიივლტიან და წყალსა რასმე დავიწყებისასა წმასნიან, რომლისასა იტყვან, ვითარმედ: «თითოეული მსუმელი მისთაგანი მოვიწყე იქმნებისო საქმეთა გარდასრულისა ცხორებისა თვსისა». ღოლო ესე ზღაპრობითი და მშომიობელი არს ფილოსოფოსობისაგან; არცა ერთი ვინ უმეცარ არს კეთილად გონიერთაგანი, რამეთუ: «რად უკუე ვთქუათ, ჰოჲ **სითალორა** და **სლატონ**: თქუენცა იგივე დავიწყებისა მოქმედი მიიღეთა და ჰსუთა ანუ განერენით ვითამე და თანა-წარიწადეთ თქუენ? ან უკუეთუ თქუენი სარწმუნო იქმნას თანა-წარსლვად დავიწყებისა სასუმელისაჲ, ცხად არს, ვითარმედ სხუანიცა მრავალნი ვინმე იპოვნენ განრომილნი მისგან. ღოლო თუ ზოგად ყოველთა ჰაერისა მიერ მიზიდულთა დავიწყებისა წყალი ჰსუთ მდიდრად, ვითარ და ვინაჲ მომთხრობელ იქმნენით ზედა-მიწევენით სულთათვს ანუ ვინაჲ უწყით რადთურთ რიცხვ რაოდენად დაბადებულებისა მათისაჲ? რამეთუ არა თუ გამოცდილ ხართ თქუენცა მათთანავე ჴუმევესა მისსა, უმეცარ ხართ აღმოცენებასა მის წყლისასა. ღოლო უკეთუ სწორადვე სხუათა გამოცდილ ხართ და თქუენცა დავიწყებითა, უჩინო-ქმნილ არს ჴსენებაჲ მისისაჲ განქარვებითა მეცნიერებისაჲთა». ორამედ ამათდა მიმართ იგინი შესცთეს, რომელნი ვნებულ იყვნეს მრჩობლ-ემმაკეულებითა ბარბაროზთაჲთა, წინა შეუდგეს რად მოძღვრებასა

მეგვპტელთასა».

16. **შერმეცა** ნეტარი **თანასი** **ალექსანდრიელთა** მთავარ-ეპისკოპოსი **სრიანოზთა** მიმართთა შინა სიტყუათა თვსთა ცხადად წარმოაჩინებს, ვითარმედ: «ჟამსა შინა ქმნილ არიან ყოველნი ქმნულნი და არა ვითარ იგი იტყვან თანად იმრთისა და თანად გონებისა ყოფასა, რომელთაგან გამონაკრთობად ქმნასა იტყვან სულთასა და ჴორცთა თანა-შეკრვასა».

10 **შისვე** ნეტარისა **თანასისი** ფილოსოფოსისა **შაქსიმეს** მიმართისა სიტყვსაგან:

«ხოლო ჩუენ **სდამისგან** ვიშვებით და მონაცვალებითა ნათესავისაჲთა ვჰგიეთ. ჴინაჲცა მხოლოდ იგი ოდენ დაიბადა მიწით და არამქონებელი მყოფისაჲ პირველ უკუანაჲსკნელ მიმღებელ იქმნა ყოფისა».

15 **შისივე** «ცხორებისაგან წმიდისა **სნტონისა**», ხოლო ჰყოფს სიტყუასა ამას **სნტონის** მაგიერ:

20 «ვითარ მბასრობთ ჩუენ, ვიტყოდით რად კაცად გამოჩინებასა ჴრისტესსა, ვინაჲთგან თქუენცა, გონებისაგანად განმსაზღვრებელნი სულისანი, ცთომასა იტყვთ მისსა და კამართაგან ცისათა ჴორცთა მომართ დავრდომილობასა. ოჲ რამეთუ ჩუენ უკუე სარწმუნოებაჲ საცხორებელად კაცთა მოსლვასა იტყვს ჴრისტესსა, ხოლო თქუენ ცთომასა შეუქმნელსა სულისასა».

30 **შისივე** სულისათვს ეპისტოლისაგან, დასაჴსნელისა **არიგენის** სჯულთაჲსა, რომელი აღწერა პირითა კრებისა **მეგვპტელთა** და **ალექსანდრიელთა**ჲსა:

«ხოლო უკუეთუ პირველვე იყო სული ზეცათა შინა და პირველვე სცოდა მუნ, ვითარცა ბორგნეული და ღმრთის-მბრძოლი **არიგენი** იტყოდა, უჴმდა წმიდასა წინაჲსწარმეტყუელსა არა თქუმაჲ ამისი, ვითარმედ: «რომელმან დაჰბადა სული კაცისა მის შორის»(მდრ.: იერ.38,16), არამედ უფროჲსლა ესრეთ: «რომელმან **შეაყენა** სული კაცისაჲ მის შორის», რეცა ვითარმეცა შთამოავლენდა! ღოლო ან არა შეყენებისა, არამედ მის შორის დაბადებით თქუმითა გამოაჩინებს მას მგელად მძიმედ, შემოსილად გარეთ საცთურად მრავლითა ტყავითა წარწყმედისაჲთა, რამეთუ ვითარცა ზეცით მოსრულმან, მიცთომილმან მან და მუნ განწესებულთა საქმეთა ზედამიწევენით მცნობელმან, ყოველივე ცხადად არა ხოლო პირველ-მყოფობაჲ, არამედ პირველ-მცოდვე-

ლობადცა სულისადა თქუა ცათა შინა. **წ** უკუე თქუედ ესეცა, ვითარცა უცთომელმან და დაურჩომელმან მეცნიერმან ხეცისა საქმეთამან, თუ ვითარითა სახითა და გუარითა ცოდა ხეცათა შინა?...»

17. **ხვრილე წლექსანდრიელი** მამათმთავრისა მოსაწესენებელისაგან ზოვანეს სახარებისა სულისათვს:

«უკეთუ შემზადებისა კაცობრივთა ჯორცთაჲსა პირველვე შექმნა სული და მიდრეკილსა უდარესისა მიმართ იჭვსაებრ მათისა სატანჯუელად მიეცა შეცოდებისად ჯორცთა მომართ გარდამოსლვაჲ, მითხარ მე: ვითარ უკუე იტყვს განათლებასა სოფლად მომავალისასა შახარებელი? რამეთუ პატივი არს, ვითარ ვგონებ, განათლება და შემატებაჲ მადლთა ბრწყინვალეთაჲ. **ჲ**ლო არა იტანჯებისა ვინმე პატივცემული, არცა იგუემების ზიარად საღმრთოთა კეთილთა გამოჩინებულნი, არამედ – რისხვეულთა ნაწილისგანი. **ჲ**ლო ვინათგან არა ამათვს, არცა ამათ შინა, არამედ წინა-აღმდგომთათვს მოვალს სოფლად კაცი და განათლებების, ცხად არს უკუე, ვითარმედ არა სატანჯუელად აქუს განჯორციელებაჲ ჯორცთა შინა პატივცემულსა მას.»

თა კუალად:

«უკუეთუ უწინარეს ჯორცთასა უდარესისა მიმართ დამხობილ იქმნა და ამისთვს ჯორცთა თანა შეეთხზნა, ვითარ განათლებების მომავალი სოფლად? რამეთუ საჭირო არს ცალიერად ნათლისაგან თქუმაჲ ამისი უწინარეს ჯორცთა მომართ მოსლვისა მისისა. **ჲ**ლო უკუეთუ ესრეთ არს ესე, ვითარ იყო გონებაჲ წმიდა, რომელმან მაშინ სადმე ძლით მიილო დასაბამი განათლებისაჲ, რაჟამს სოფლად მოვიდა და ესე არა თვნიერ ჯორცთასა?»

თა კუალად:

«უკუეთუ პირველ-ყოფილმან ცოდა სულმან და ამისთვს თანაშეეთხზა ჯორცთა და სისხლთა სატანჯუელისა ადვილად მიმღებელი ამის საქმისაჲ, ვითარ არა უჭმდა ჴრისტეს მომართ მორწმუნეთა და მიმღებელთა ამიერ სახესა ცოდვითა მიტევებისასა მყის განსლვაჲ საკრველისაგან ჯორცთაჲსა და მიზეზად სატანჯუელისა გარე-შესხმულთა განყრად ანუ ვითარ აქუს, – მითხარ მე, – სრულიად მიტევებაჲ სულსა კაცისასა მერმეცა გარე-შეცვეულისა სახითა მით სატანჯუელისაჲთა? არამედ ვხედავთ, ვითარმედ ესოდენ განშორებულ ვართ

ჯორცთაგან განყოფისა ნებებასა მორწმუნენი ჴრისტესნი, ვიდრელა ჴრისტეს მიმართისა სარწმუნოებისა თანა შედგომილად ვჯმობთ ადღგომასაჲცა ჯორცთასა. **წ**რა სადმე ტანჯვსა არს სახე აღსაარებითაჲცა სარწმუნოებისაჲთა პატივცემული საქმე, ვითარცა საღმრთოთა ძალითა შაცხოვრისაჲთა ყოვლისავე ადგილად შემძლებლობისა მნამებელი და ამისთვს ცხოვრებადვე კუალად ქცევისა მისისა ადღგომისა მიერ განჩინებულნი.»

თა კუალად:

«უკუეთუ სიტყვსაებრ მათისა პირველ ჯორცთასა მყოფმან სულმან ცოდა, რომლისათვს თანა-შეეთხზა ჯორცთა ამათ, რაჲსა უკუე მიზეზისათვს სჯული მიძიმედ შეცოდებულთა ვიდრემე სიკუდილითა განჰპატიჟებს, ხოლო არარაჲთ შემცოდეთა სიცოცხლედვე ფლობილ ჰყოფს? რამეთუ უფროსლა უჭმდა სადმე ფრიად შეცოდებულთა მათ მიშვებაჲ ჯორცთა შინა ყოფისა დაყოვნებასა, რაჲთა უფროსლა იტანჯნენ, ხოლო არარაჲთ მცოდველთა მათ განწსნაჲ ჯორცთაგან, უკუეთუ სატანჯუელისა ნაწილი არს ჯორცთა შინა მკვდრობაჲ.»

თა კუალად:

«უკუეთუ პირველ გარდასრულთა ცოდვითათვს განჯორციელდეს სულნი და ღონედ ტანჯვისად მათისა მოპოვნებულ იქმნა ბუნებაჲ ჯორცთაჲ, რაჲ მარგო ჩუენ შაცხოვარმან განქარვებითა სიკუდილისაჲთა ანუ ვითარ არა უფროს შეინყალა ხრწნილებაჲ უჩინო-მყოფელი ტანჯვსა ჩუენისაჲ და დასასრულად მიწვენილი ჩუენ ძლითისა რისხვსა? რომლისათვს თქუას ვინმე, ვითარმედ: „უფროსლა ხრწნილებისა მადლობაჲ ჯერ იყო, უკუეთუ სამარადისოსა ტანჯვასა მივეცემით ჩუენ მკუდრეთით ადღგომისა მიერ“.»

სარწა ვინათგან მრავალ არიან ამათთვს თქუმულნი მისნი, კმა ვყვენეთ მხოლოდ ან მოწსენებულნი ოდენ და სხუათა თანა-მოსახელეთა ჳმათა მიმართ მივიცვალთო.

18. **ხვრილე** ეპისკოპოსისა **სერუსალიმელი**სა მეოთხისა საკათაკუმეველოსაგან:

«ასწავე უკუე ესეცა, ვითარმედ: უწინარეს სოფლად მოსლვისა არარაჲ უცოდავს სულსა, არამედ უცოდველად შემოსრულნი აღრჩევისა მიერ ვცოდავთ ან.»

შისივე მეთათხმეტიცა საკათაკუმეველოსაგან:

«შაშინ თქუა იმერთმან: «გქმნეთ კაცი ხა-

ტებად ჩუენდა და მსგავსებად»(შესქ.1,26). ზა ხატობითობა უკუე მიილო კაცმან, ხოლო მსგავსობითობა ურჩებისა მიერ უშვერ ყო. ონ უკუე არა სადმე უწინარეს სოფლისა ჯერ-არს თქუმად ყოფასა ხატებად დაბადებულისასა».

19. **წიოდორე ღარსელ** ეპისკოპოსისაჲ **შანიქველთა** წინაგანწყობად აღწერილისა პირველისა წიგნისა მეშუდესა თავისაგან:

«რამეთუ სული ჳორცთავე თანა დაჰბადა და არარად უმეტესი აქუს ჳორცთა შორისისა მეცნიერებისა მისისა, ეგერა პირველვე გვთქუამს კმა-საყოფელად მცირედ შემრაცხველთა ელლინებრისა სიცბილისათა და დავიწყებისა სასუმელისა ზღაპრებრივთა სიტყუათა უღონობითა დაბურვილისა განმბასრველთა».

შისივე დასამჯობელად **წპოლინარის** აღწერილისა წიგნისაგან «წაოანად» სახელდებულისა:

«და რაოდენთაცა უხილავთა ძალთა ვითარცა იმრთისა მიერ დაბადებულთათჳს მოიჭ-

სენებს, არა განმიცხადეს ჩუენ რადთურთით პირველ დაბადებულობისათჳსცა სულთაჲსა და ვითარმედ უკუანაღსნელდა აგებულთა ჳორცთა მომართ მიივლინებიან, ხოლო თანა-შექმნასა სულისასა იტყვან და ჩუენ გურნამს უკუდავი მოკუდავსა შინა, სიტყვერ-მყოფელი ორღანოჲსა მის. ღოლო უკუეთუმცა ყოფილიყო სული პირველ ჳორცთასა, უეჭუელად აჳსოვდამცა პირველ ჳორცთა თანა-შეთხზვისა გარდასრული იგი ცხორებად და არამცა ვითარცა საკრველისაგან იძლეოდა, არამედ ვითარცა უნდოსამცა შეურაცხ-ჰყოფდა ჳორცთა შორის ცხორებასა, ვითარცა მხოლოდ ქუეყანიერთაჲსა ოდენ მზრუნველსა».

საუკუნოდმცა იჳსენების **წრსენი!**
აქა დასრულდა ერთბამად განქიქებაჲ **ელლინებრისა** სულთა პირველ-ყოფისაჲ და თანად ორთა უფსკრულისა ვეშაპთა – **ღრიგენის** და **შანენტოჲს** საცთურისაჲ.

